

COME  
TOGETHER



EUROVISION  
SONG CONTEST  
STOCKHOLM 2016

BOSNIA AND HERZEGOVINA  
DALAL & DEEN feat. ANA RUCNER & JALA  
SPONSORED AND HOSTED BY APU NETWORK

## Poziv na saradnju – Eurovision Song Contest 2016

**Pozivamo vas – privatna lica, udruženja i firme – na podršku sudjelovanja Bosne i Hercegovine na ovogodišnjem Eurovision Song Contest (ESC2016) u Štokholmu. Udružimo se da zajedno osiguramo neophodna ekonomska sredstva za učešće naših predstavnika na ESC2016. Kao udruženje ili firma imate veliku mogućnost i za medijsko promovisanje i eksponiranje vaše djelatnosti vezano za ESC2016. Srcem za Bosnu i Hercegovinu ❤️**

Poštovani, kao što vam je možda već poznato, Bosna i Hercegovina nakon tri godine odsustva, nastupa na ovogodišnjem muzičkom festivalu Eurovision Song Contest 10-14 maja u Štokholmu i šalje ovogodišnje predstavnike Dalal Midhat-Talakić i Fuad Backović Deen koje na sceni prate violinistica Ana Ruckner i reper Jala. Kompoziciju koja će zvanično biti predstavljena 19 februara u Sarajevu, je napisao i komponovao Almir Ajanović, Tempo Produkcija.

Zbog finansijskih problema i nedostatka sredstava, RTBH (Radio Televizija Bosne i Hercegovine) nije u mogućnosti da odvoji novac za projekat i time je odgovornost producenta (Tempo Produkcija) da obezbijedi kompletne finansije: od troška same participacije ESC-u, muzičke i video produkcije, kostimografije, scenskog nastupa i dramaturgije do putnih i boravišnih troškova za vrijeme priprema i u toku samog takmičarskog dijela za ekipu od 10-12 ljudi (u periodu od 1 do 15 maja 2016 u Stockholmu).

Almir Ajanović, prijatelj APU Mreže nas je kontaktirao u samom početku projekta sa željom da APU Mreža bude jedan od glavnih sponzora bh. predstavnika i domaćin za vrijeme održavanja ovog festivala. Na ovo smo naravno pristali svjesni značaja ovog eventa za promovisanje kako muzičke kulture Bosne i Hercegovine tako i samog učešća na najvećem i najgledanijem muzičkom eventu u svijetu, te šta to znači za dobar imidž i budućnost Bosne i Hercegovine i njenih gradjana na putu ka evropskoj zajednici.

APU Mreža vas poziva da zajedno sprovedemo kampanju prikupljanja sredstava za nastup Bosne i Hercegovine na predstojećem ESC2016 u Štokholmu!



APU Mreža je se ekonomski obavezala da obezbijedi jedan dio od svih sredstava ali će ukupno trebati skupiti preostalih 376 900 SEK (75 380 KM) jer kompletni troškovi cijelog eventa za predstavnike iz Bosne i Hercegovine su oko 400 000 KM. Jedan dio kompletnih sredstava je već skupljen putem donacija bh. firmi poput Bosnalijek, Lutrija BiH, Azel Franc, Amko, Farma Vita itd.

APU Mreža iz ovog razloga pokreće kampanju u zemljama Skandinavije (Švedska, Norveška, Danska) u skupljanja ekonomskih sredstava koja će se 100% koristiti za projekat i troškove vezane za Eurovison Song Contest 2016.

Cilj kampanje je da skupi kompletnu sumu novca od 376 900 SEK (75 380 KM). Nadamo se da uz zajedničku podršku možemo skupiti 100% potrebnih sredstava radi lakšeg nastavka i sprovođenja cijelog projekta.

Novac je potreban što prije i to već od kraja februara 2016 kada se prvi veći troškovi i računi moraju platiti, te za dalje pokrivanje dolazećih potreba projekta ESC-a (mimo već uplaćenih sredstava privremeno posudjenih iz kase APU Mreže).

**Ako pristanete da budete dio ovog projekta, obavezujete se na sljedeće:**

- Da aktivno promovirate kampanju u skupljanju sredstava prema vašim članovima i u vašim medijima (pisanim, digitalnim, verbalnim) za vrijeme kompletne kampanje*
- Da isključivo koristite marketinški materijal/informacije obezbijedjene putem APU Mreže (za sve što vam eventualno nedostaje, molimo vas da nam se obratite što prije)*
- Da sve finansijske transakcije idu putem računa APU Mreže koja je registrovana kao neprofitna volonterska organizacija sa registracionim brojem 802460-1034 radi što veće transparentnosti cijele kampanje prema donatorima i javnosti*

Vi se ne obavezujete kao organizacija/firma da i sami donirate ekonomska sredstva ali se nadamo da imate mogućnosti da to uradite i time olakšate sam efekat kampanje.

Za vas koji želite učestvovati i podržati ovaj projekat, nudimo kompletnu PR i medijsku eksponažu u svim kanalima koje APU Mreža posjeduje. Kod donacija od 50 000 SEK (10 000 KM) ili većih imamo mogućnost da vas promoviramo i u toku samog TV-prijenosa prema tv-gledateljima u toku polu-finala 10 maja i samog finala 14 maja 2016.



Naša je nada i želja da se sve bh. zajednice, organizacije, firme i pojedinci širom Švedske, Danske i Norveške pomognu u ovom projektu i promovisanju Bosne i Hercegovine kroz muziku i kulturu. Slobodno prosljedite ovo pismo svakome za koga smatrate da može i želi pomoći. Molimo vas da nam pošaljete vaš odgovor što prije na [info@apunetwork.net](mailto:info@apunetwork.net)

Rado nam pošaljite i kontakt podatke vaše organizacije/firme te logo da vas možemo promovisati u kampanji i medijima. Kampanju preko digitalnih medija planiramo pokrenuti u petak 12 februara 2016 preko [www.apunetwork.net/esc](http://www.apunetwork.net/esc)

APU Network, sa sjedištem u Štokholmu, je registrovana volonterska neprofitna organizacija koja od 2007 okuplja bh. intelektualce, poduzetnike te umjetnike i kulturne radnike u Švedskoj i danas broji preko 500 članova od kojih je preko 70% akademski obrazovano (svi su dobro došli bez obzira na nivo obrazovanje sve dok dijelimo iste vizije i ciljeve rada).

Cilj mreže je da se članovima pruži prilika da se sretnu, upoznaju i ostvare nove kontakte, privatno i poslovno, te da kroz projekte između organizacija, institucija i firmi gradi mostove saradnje između Švedske i Bosne i Hercegovine a time i promovišu pozitivan imidž Bosne i Hercegovine na putu ka Evropskoj zajednici.

Do danas smo sproveli preko stotinu susreta, kurseva, evenata, obilježavanja i proslava, seminara i drugih tačaka dodira kako u Švedskoj tako i u Bosni i Hercegovini. U maju 2014 za vrijeme poplava u BiH smo u Švedskoj za manje od 10 dana skupili preko 750 000 SEK (150 000 KM) putem kampanje sprovedene u socijalnim medijima i uz pomoć bh. udruženja Neretva i Naša Djeca (Våra Barn) u Štokholmu.

Ispred upravnog odbora APU Mreže,

*Armin Hadžić, predsjedavajući i odgovoran za  
APU projekat Eurovision Song Contest 2016.*

**PRI UPLATI SREDSTAVA NAZNAČITE "ESC2016":**




**ZA DIREKTNE UPLATE IZ ŠVEDSKE**

Opcija 1: Uplata na Swish broj: 1234 711 578

Opcija 2: Uplata na račun u Handelsbanken: 6124 652 338 038

Opcija 3: Uplata na bankgiro račun: BG 473-2798



**ZA DIREKTNE UPLATE IZ DANSKE I NORVEŠKE**

Bankovna transakcija na račun: 6124 652 338 038

IBAN: SE44 6000 0000 0006 5233 8038

BIC: HANDSESS



Ako se nalazite u Bosni i Hercegovini i želite da pomognete, možete izvršiti direktnu uplatu u Tempo Produkcija preko ZiraatBank BH d.d na račun 1861 2103 3116 99 43.







[www.eurovision.tv](http://www.eurovision.tv)

